

Jelajah info usahawan ke setiap daerah

Kuantan: Program Jelajah Informasi Keusahawanan yang menghimpunkan 40 agensi kerajaan, akan diadakan di setiap daerah bermula awal bulan depan bagi menggalakkan orang ramai terbabit dalam bidang perniagaan dan perusahaan, sekali gus meningkatkan sumber pendapatan mereka.

Pengerusi Jawatankuasa Koperasi, Keusahawanan dan Kepenggunaan negeri Datuk Shahiruddin Ab Moin berkenan dilaksanakan bagi memperkenalkan kepada umum fungsi dan peranan agensi terbabit dalam membantu merealisasikan impian menjadi peniaga atau pengusaha berjaya.

Katanya, antara agensi turut serta dalam program berkenaan adalah Tabung Ekonomi Kumpulan Usaha Niaga (TEKUN) Nasional, Bank Kerjasama Rakyat Malaysia Bhd (Bank Rakyat), Perba-



SHAHIRUDDIN (dua dari kanan) menyerahkan replika cek kepada Dr Daing Nasir.

danan Usahawan Nasional Berhad (PUNB), Suruhanjaya Syarikat Malaysia (SSM) dan SME Bank.

“Kami mahu orang ramai terutama dari luar bandar memperoleh maklumat lengkap mengenai program keusahawanan, sekali gus

menggalakkan mereka menceburti bidang perniagaan serta perusahaan.

“Siri jelajah dengan Yayasan Pahang menjadi lokasi pertama pada 12 Mac ini,” katanya ketika ditemui selepas merasmikan Majlis Karnival Siswa Universiti Malaysia Pa-

hang (UMP) 2014 Gambang, dekat sini, semalam.

Hadir sama, Naib Canselor UMP Profesor Datuk Dr Daing Nasir Ibrahim dan Pengarah Suruhanjaya Koperasi Malaysia (SKM) cawangan Pahang Mohamad Zawawi Mahmud.